



中武
495
28

三十八
三十九



門下
號 595
卷 28

御纂醫宗金鑑卷三十八

傷寒心法要訣目錄



傷寒五證

停飲

傷食

腳氣

虛煩

內癰

同傷寒十二證

冬溫

寒疫

瘟疫

溫病

熱病

風溫

溫瘧

濕溫

中暈

溫毒

風濕

瘧病

御纂醫宗金鑑卷三十八

易愈生證

難治死證

藥方

附河間兩解利法等

御纂醫宗金鑑卷三十八

編輯傷寒心法要訣

類傷寒五證

停痰 傷食 脚氣 虛煩 內癰

相類傷寒有五證頭疼發熱惡風寒停痰頭項不
強痛胸滿難息氣衝咽傷食惡食身無痛痞悶失
氣噫作酸脚氣脚膝脛腫痛或為乾枯大便難虛
煩微熱無表裏內癰能食審疼緣肺癰喘欬胸引
痛唾黏腥臭吐膿涎胃癰當胃痛難近腸癰腫痛

少腹堅身皮甲錯腹中急便數似淋證中看

註

類傷寒五證初病之時皆與太陽表證相類
一曰停痰但胸滿不得息氣上衝咽頭項不
強痛與傷寒異耳一曰傷食但身無痛心下
痞悶失氣噫氣作酸吞酸與傷寒異耳一曰
脚氣但病起自脚脚膝兩脛腫痛或乾枯腫
痛名曰乾脚氣大便鞭難與傷寒異耳一曰
虛煩惟發熱而煩無表裏證與傷寒異耳一
曰內癰其狀頗類傷寒但飲食如故有癰

之處與傷寒異耳胸中隱痛或喘或欬吐唾
腥黏是肺癰也當胃作痛手不可近是胃癰
也少腹重痛便數似淋身皮甲錯是腸癰也

同傷寒十一證

冬溫 寒疫 瘟疫

春溫夏熱秋清涼冬氣冷冽令之常傷之四時皆
正病非時有氣疫為殃應冷反溫冬溫病應溫反
冷寒疫傷瘟疫長幼相傳染須識歲氣汗攻良

註

冬病傷寒春病傷風夏病暑病秋病瘧疾皆

四時正令之常病也若春應暖而反寒夏應熱而反涼秋應涼而反熱冬應寒而反溫此非其時而有其氣疫爲殃也冬應冷反溫而病傷寒者名曰冬溫春應溫反寒而病傷寒者名曰寒疫若一時之氣不正長幼皆病互相傳染名曰瘟疫凡治此病須識歲氣太過不及六淫勝復氣之強弱藏之寒熱量其輕重或汗或攻輕以劉完素之雙解散重以李杲之二聖救苦丸隨證施治可也

溫病

熱病

冬傷於寒春病溫夏曰熱病早虧陰脈浮頭疼發熱渴不惡寒兮是所因無汗河間兩解法有汗清下早當尋失治昏狂諸熱至無證隨經以意神

註

經曰冬傷於寒春必病溫至夏爲熱病熱病者皆傷寒之類也冬傷於寒謂冬傷正令微寒未卽病也早虧陰謂冬不藏精之人或辛苦之人汗出內外失其固密在冬則早已損傷腎藏陰氣陽熱獨治所以至春一感微邪

即引內熱炎炎之勢不能已矣故病而即渴
不惡寒也初病無汗有表證者從劉完素兩
解湯治法可也有汗內熱盛者或清或攻急
瀉其陽而救其陰若因循失治昏狂諸熱證
至則緩不及事也無證謂表裏無證當隨六
經以意消息治之自可通神也

風溫

風溫原自感春風誤汗灼熱汗津生陰陽俱浮難
出語身重多眠息鼾鳴誤下直視失溲少被火

黃瘦癡驚葳蕤桂枝參白虎一逆引日再命大

註

冬傷於寒不即病者復感春寒名曰溫病復
感春風名曰風溫風溫有汗不可汗也若誤
汗之益助火邪則身熱如火自汗津津不止
言語難出身重多眠鼻息鼾鳴也風溫陰陽
脈俱浮不可下也若誤下之熱陷膀胱竭其
津液則直視失溲小便少也風濕熱盛若誤
以火熏蒸強汗火旺津亡則發黃色瘵癡驚
痛也風溫之證不可汗下主以葳蕤湯若脈

虛汗多主以桂枝合人參白虎湯一逆引日
再命終謂一逆尚可引日若汗而又下下而
又火則爲再逆是促命期也

溫瘧

溫瘧得之冬中風寒氣藏於骨髓中至春邪氣不
能發遇暑爍髓消肌形或因用力腠發泄邪汗同
出故熱生衰則氣復寒後作證同溫熱治相同

註

經曰溫瘧得之冬中於風寒氣藏於骨髓之
中至春陽氣尚微邪氣不能自出因值大暑

爍腦髓消肌肉腠理發泄或有所用力邪氣
與汗同出出則陰虛而陽盛故熱生也衰則
氣復入入則陽虛而陰盛故後作寒也其證
同溫熱治亦相同也

濕溫

溫復傷濕濕溫病身重胸滿及頭疼妄言多汗兩
脛冷白虎湯加蒼朮苓

註

溫病復傷於濕名曰濕溫其證則身重胸滿
頭疼妄言多汗兩脛逆冷宜白虎湯加蒼朮

茯苓溫濕兩治法也

中暍 溫毒 風濕

溫病中暍溫毒病證同溫熱熱尤炎傷濕汗出當風立風濕發熱重疼牽

註 中暍即中暑也溫熱之病復中於暑名曰溫

毒證治同乎溫熱但熱尤盛也傷濕之病復感於風名曰風濕其證發熱身重疼痛牽掣也治法已詳於身痛矣中暍詳在暑門

瘧證

瘧證反張搖頭噤項強拘急轉側難身熱足寒面目赤須審剛柔治法全

註 風濕寒之邪合而為瘧其證則背反張搖頭

口噤項強拘急轉側艱難身熱足寒面目赤也須審剛柔治之可痊也風濕盛者則有汗為柔瘧風寒盛者則無汗為剛瘧均以小續命湯主之剛瘧去附子柔瘧去麻黃表實者去參附加羌活獨活裏實者去參附加芒消大黃甚者則以葛根湯桂枝加葛根湯發

之此治瘧之大畧也詳在瘧門

易愈生證

神清色澤亮音聲身輕膚潤脈和洪忽然口噤難言躁脈卽停伏戰汗寧飲多消散知釀汗能食脈浮表還平子得午解陽來濟午得子解是陰從

註

易愈之病取於神則神清取於色則色澤取於聲則音長取於體則身輕取於皮則膚潤取於脈則和洪皆一派不死之證故曰生證也若有如是之生證忽然口噤不語煩躁而

甚六脈停伏宜謹察之非變凶也乃邪正交爭生戰汗之候爲將愈之兆也凡傷寒渴者多陽證易愈若忽然飲多尋常消散無停知釀汗而作解也傷寒多不能食若忽然能食且脈浮知胃和邪還於表而作解也若不卽解者陰陽未得其時也子時得之午時必解陽濟陰生而解也午時得之子時必解陰從陽化而解也

難治死證

傷寒死證陽見陰大熱不止脈失神陰毒陽毒六
七日色枯聲敗死多聞心絕烟熏陽獨留神昏直
視及搖頭環口黧黑腹滿利柔汗陰黃脾敗由肺
絕脈浮而無胃汗出如油喘不休唇脣反青肢冷
汗舌卷囊縮是肝憂面黑齒長且枯垢溲便遺與
腎可愁水漿不入脈代散呃逆不已命難留大發
風溫而成瘧濕溫重暍促命終強發少陰動經血
口鼻目出厥竭名汗後狂言不食熱脈躁陰陽交
死形厥冷不及七八日膚冷而躁暫難寧此病名

之曰藏厥厥而無脈暴出凶厥而下利當不食反
能食者名除中

註
病有生死治有難易生病不藥可愈死病雖
藥莫救何則以陰陽邪正有盛衰也正盛邪
衰則生陰盛陽衰則死傷寒陽證見浮大數
動滑之陽脈則易愈而生見沉微瀋弱弦之
陰脈則難治而死故陰病見陽脈者生陽病
見陰脈者死也大熱不止邪盛脈失神正虛
正虛邪盛故死也陰毒陽毒亢極不生化也

色枯聲敗內外兩奪也故均主死形若烟熏
神昏直視搖頭者此陽邪獨留攻心而絕也
環口鰲黑腹滿下利不止柔汗陽黃者此爲
脾絕也衄但浮無胃汗出如油喘息不休者
此爲肺絕也唇胎反青四肢冷汗舌卷囊縮
此爲肝絕也面黑齒長枯垢溲便遺失者此
爲腎絕也水漿不入生無所賴也衄代散真
氣衰散也呃逆無休元氣不藏也誤發風溫
之汗因而成瘧誤發濕溫之汗名曰重暍皆

促人命也強發少陰汗動其經血從口鼻目
出名曰下厥上竭以上皆死之候也汗後狂
言不食仍復發熱不爲汗衰衄躁疾者名曰
陰陽交死之形也厥逆不同至七八日卽通
身膚冷而躁無暫寧時者名爲藏厥爲陰邪
盛極真陽飛越也凡厥逆而甚者多無衄服
四逆白通等湯衄微續者真陽漸復也衄暴
出者回光反照也凡厥逆多下利當不能食
今反能食名曰除中中者胃也除者去也謂

胃氣已去即反能食亦無補於胃也故仲景曰除中者死凡諸病久不能食忽然大能食而即死者亦此類也

彙方

桂枝湯

小建中湯

當歸建中湯

黃耆建中湯

桂枝加葛根湯

桂枝新加湯

當歸四逆湯

當歸四逆加吳茱萸生薑湯

桂枝加附子湯

芍藥甘草湯

桂枝甘草湯

桂枝芍藥草薑棗加飴歸者曰建中加葛根湯加乾葛新加倍芍加參稱當歸四逆歸通細更加吳黃薑用生加附子湯加附子去桂無芍兩名興

註

桂枝湯桂枝芍藥甘草生薑大棗也依本方
倍芍藥加飴糖名小建中湯更加當歸名當
歸建中湯更加黃耆名黃耆建中湯依本方
加葛根名桂枝加葛根湯依本方倍芍藥加
人參名桂枝新加湯依本方加當歸通草細
辛名當歸四逆湯更加吳茱萸生薑名當歸
四逆加吳茱萸生薑湯依本方加附子名桂
枝加附子湯依本方去桂枝名芍藥甘草湯
依本方去芍藥名桂枝甘草湯

桂枝去芍藥加茯苓白朮湯

苓桂朮甘湯

茯苓甘草湯

茯苓桂枝甘草大棗湯

桂枝去芍藥加苓朮甘去棗薑茯苓甘草生
薑桂加棗除薑大棗湯

註

桂枝去芍藥加茯苓白朮湯即桂枝甘草生
薑大棗茯苓白朮也依本方減去大棗生薑
即苓桂朮甘湯也茯苓甘草湯即茯苓甘草

桂枝生薑也依本方加大棗減生薑即茯苓
桂枝甘草大棗湯也

葛根湯

桂枝麻黃各半湯

桂枝二麻黃一湯

桂枝二越婢一湯

葛根桂枝加麻葛合麻桂麻各半湯桂二麻一麻
減半桂二越一桂倍方

註

葛根湯即桂枝湯加麻黃葛根也桂枝麻黃

各半湯即桂枝湯麻黃湯二方合劑也桂枝

二麻黃一湯即桂枝湯合減一半麻黃湯也

桂枝二越婢一湯即越婢湯合加一倍桂枝

湯也

麻黃湯

大青龍湯

越婢湯

越婢加附子湯

越婢加半夏湯

麻黃麻桂甘草杏加膏薑棗大青龍越婢大青減桂杏加附加半風水清

註

麻黃湯麻黃桂枝甘草杏仁也依本方加石膏生薑大棗名大青龍湯依大青龍湯減桂枝杏仁名越婢湯治風水病之肌熱者若陽虛惡寒加附子名越婢加附子湯喘欬上氣加半夏名越婢加半夏湯當清別而施治也

麻黃加朮湯

三拗湯

麻杏石甘湯

麻黃加朮風濕痛三拗去桂喘寒風加膏麻杏石甘劑外寒內熱喘收功

註

麻黃加朮湯即麻黃湯加白朮也治風濕在表身痛麻黃湯去桂枝名三拗湯治風寒表實而喘三拗湯加石膏名麻杏石甘湯治內熱表寒無汗而喘

麻黃附子細辛湯

麻黃附子甘草湯

麻黃附子細辛湯減辛加草甘草方兩感太陽少陰證能發表水裏寒涼

註

麻黃附子細辛湯即此三味也去細辛加甘草名麻黃附子甘草湯不但能發兩感太陽少陰表熱裏寒之證且能發太陽少陰表水裏寒之腫也

小青龍湯

附子湯

真武湯

桂芍乾薑辛半味麻黃甘草小青龍附子木附參苓芍真武無參有薑生

註

小青龍湯桂枝白芍乾薑細辛半夏五味子麻黃甘草也附子湯白朮附子人參茯苓白芍也真武湯即附子湯除去人參加生薑也

乾薑附子湯

白通湯

白通加人尿豬膽汁湯

四逆湯

通脈四逆湯

茯苓四逆湯

理中湯

桂枝人參湯

附子理中湯

治中湯

薑附加葱白通劑更加尿膽治格陽加草四逆葱
通脈加參茯苓四逆方理中參朮乾薑草加桂桂
枝人參湯加附名曰附子理中加入青陳治中湯

註 乾薑附子名曰乾薑附子湯依本方加葱名

曰白通湯更加人尿豬膽汁名白通加人尿
豬膽汁湯依本方加甘草名四逆湯更加葱
白名通脈四逆湯依四逆湯方加人參茯苓
名茯苓四逆湯溫中利水人參白朮乾薑甘
草名理中湯依理中湯方加桂枝名桂枝人
參湯依理中湯方加附子名附子理中湯依
理中湯方加青皮陳皮名治中湯溫中理氣

五苓散

春澤湯

五苓甘露飲

蒼附五苓散

茵陳五苓散

胃苓湯

五苓停水尿不利內

外太陽二苓澤朮桂

分用虛渴加參春澤湯甘露寒水膏滑入蒼附內

寒附子蒼茵陳發黃小便澀食瀉合胃胃苓方

註五苓散即茯苓豬苓澤瀉白朮桂枝也治水

停小便不利少腹滿則為內蓄膀胱若不兼

太陽頭痛惡寒發熱自汗之表則不用桂枝

而用肉桂故曰桂分用也治諸虛飲渴加人

參名春澤湯治水停內熱加寒水石滑石石

膏名五苓甘露飲治水停內寒加附子蒼朮

名蒼附五苓散治內瘀濕熱小便不利發黃

加茵陳名茵陳五苓散治水傷食泄瀉合

平胃散名胃苓湯

梔子豉湯

梔子甘草豉湯

梔子生薑豉湯

枳實梔子豉湯

枳實梔子豉加大黃湯

梔子乾薑湯

梔子厚朴湯

梔豉加草加生薑枳實梔豉加大黃去豉梔子乾薑入枳朴梔子厚朴湯

註 梔子淡豆豉名梔子豉湯加甘草名梔子甘

草豉湯加生薑名梔子生薑豉湯加枳實名

枳實梔子豉湯依枳實梔子豉方加大黃名

枳實梔子豉加大黃湯去豉加乾薑名梔子

乾薑湯去豉加枳實厚朴名梔子厚朴湯

麻黃連翹赤小豆湯

梔子蘗皮湯

茵陳蒿湯

麻黃連翹赤小豆梓皮杏草棗生薑梔子蘗皮茵

陳草茵陳蒿湯茵梔黃

註

麻黃連翹赤小豆湯即麻黃連翹赤小豆生梓白皮杏仁甘草大棗生薑也如無梓皮以茵陳代之梔子蘘皮湯即梔子黃蘘甘草也此方當有茵陳茵陳蒿湯即茵陳梔子大黃也

大黃黃連瀉心湯

附子瀉心湯

甘草瀉心湯

半夏瀉心湯

生薑瀉心湯

旋覆代赭石湯

大黃黃連瀉心湯浸附子煮汁大連芩甘草芩連乾半棗半夏同上更加參生薑瀉心生薑入覆赭薑棗半甘參

註

大黃黃連瀉心湯即大黃黃連滾湯浸而服也附子謂附子瀉心湯也附子煎汁大黃黃連黃芩浸而對服甘草瀉心湯即甘草黃芩黃連乾薑半夏大棗也半夏瀉心湯即同上

方加人參也生薑瀉心湯即半夏瀉心方再加生薑也旋覆代赭石湯即旋覆花代赭石甘草半夏大棗生薑人參也

十棗湯

白散方

調胃承氣湯

大陷胸湯

大陷胸丸

小陷胸湯

十棗芫花甘遂戟白散桔貝巴霜俱調胃大黃芒消草大陷去草入遂須為丸更加杏葶蜜小陷連半栝萸實

註十棗湯即十枚大棗芫花甘遂大戟也白散

即桔梗貝母巴豆霜也調胃承氣湯即大黃

芒消甘草也大陷胸湯即調胃承氣湯去甘

草加甘遂些須也大陷胸丸即大陷胸湯加

杏仁苦葶藶子蜜也小陷胸湯即黃連半夏

栝萸實也

小承氣湯

大承氣湯

麻仁丸

桃仁承氣湯

抵當湯丸

三一承氣湯

黃龍湯

小承大黃同枳朴加消卽是大承方麻仁小承麻杏芍桃仁調胃桂枝長抵當湯丸分微甚俱用也

黃水蛭蝱二承合一名三一加參歸桔黃龍湯

註 小承氣湯卽大黃枳實厚朴也依本方加芒

消卽大承氣湯麻仁丸卽小承氣湯方加麻

仁杏仁芍藥也桃仁承氣湯卽調胃承氣湯

加桃仁桂枝也抵當湯丸分病之微甚俱用

桃仁大黃水蛭蝱蟲四味也三承謂大承氣

小承氣調胃承氣三方合爲一方名曰三一

大承氣湯依三一承氣方再加入參當歸桔梗

小名曰黃龍湯

小柴胡湯

大柴胡湯

柴胡加芒消湯

柴胡桂枝湯

小柴胡半人參草大柴胡半枳芍黃小柴胡加芒消入合桂柴胡桂枝湯

註

小柴胡湯即柴胡黃芩半夏人參甘草也大

柴胡湯柴胡黃芩半夏枳實芍藥大黃也柴

胡加芒消湯即小柴胡湯方加芒消也柴

桂枝湯即桂枝湯小柴胡湯二方合為一方

也

豬苓湯

白虎湯

竹葉石膏湯

豬苓二苓膠滑澤白虎膏知甘草粳竹葉石膏除知母加參半竹麥門冬

註 豬苓湯即豬苓茯苓阿膠滑石澤瀉也白虎

湯即石膏知母甘草粳米也竹葉石膏湯即

白虎湯除知母加人參竹葉半夏麥門冬也
炙甘草湯

汗下煩悸小建治水悸茯苓甘草君虛悸肺痿炙
甘草地阿桂酒麥酸參

註

汗下後虛煩而悸宜小建中湯治之心下悸
若飲水多小便少謂之木悸宜茯苓甘草湯
若因汗下後謂之虛悸宜炙甘草湯即炙草
生地阿膠桂枝麥冬酸棗仁人參生薑大棗
酒煎也肺痿用麻仁可也

桃花湯

赤石脂禹餘糧湯

黃芩湯

白頭翁湯

桃花乾薑石脂糯米禹糧固脫功黃芩甘草芍
大棗連蘗秦皮白頭翁

註

桃花湯即乾薑赤石脂糯米也赤石脂禹餘
糧湯即此二味也黃芩湯即黃芩甘草白芍
大棗也白頭翁湯即黃連黃蘗秦皮白頭翁

也

葛根黃連黃芩湯

乾薑黃連黃芩湯

黃連湯

黃連阿膠湯

葛根連芩湯甘草乾薑連芩湯人參連參桂草乾
半棗連膠芩芍卵黃新

註 葛根黃連黃芩湯即此二味加甘草也乾薑

黃連黃芩湯即此三味加人參也黃連湯即

黃連人參桂枝甘草乾薑半夏大棗也黃

阿膠湯即黃連阿膠芩艸芍雞子黃也

四逆散

吳茱萸湯

烏梅丸

柴芍枳草四逆散人參薑棗吳茱萸烏梅參歸連

藥細椒薑桂附苦酒需

註 四逆散即柴胡白芍枳實甘草也吳茱萸湯

即人參生薑大棗吳茱萸也烏梅丸即烏梅

人參當歸黃連黃蘗細辛川椒乾薑桂枝附
子爲末苦酒爲丸也

傷寒附法

傷寒傳變大法已詳傷寒論註及心法要訣
中矣然近世治四時傷寒者咸用河間兩解
等法每多神效誠治斯證之捷法也今復採
雙解散防風通聖散諸經驗名方編爲歌訣
附於心法之後俾後之學者知所變通庶幾
於傷寒一證經權常變有所遵循而無遺法

云

雙解散完素解利初法

雙解通聖合六一四時溫熱正傷寒兩許爲劑葱
薑豉汗下兼行表裏宣強者加倍弱減半不解連
進自然安若因汗少麻倍入便鞭消黃加倍添

註

名曰雙解散者以其能發表攻裏卽防風通
聖散六一散二方合劑也河間制此解利四
時冬溫春溫夏熱秋熱正令傷寒凡邪在三
陽表裏不解者以兩許爲劑加葱薑淡豆豉

煎服之候汗下兼行表裏卽解形氣強者兩
半爲劑形氣弱者五錢爲劑若初服因汗少
不解則爲表實倍加麻黃以汗之因便輒不
解則爲裏實倍加消黃以下之連進二三服
必令汗出下利而解也今人不知其妙以河
間過用寒涼仲景傷寒初無下法棄而不用
深可惜也不知其法神捷莫不應手取效從
無寒中痞結之變卽有一二不解者非未盡
法之善則必已傳陽明力故不解也防風通聖

散詳在後

河間解利後法

汗下已通仍不解皆因不徹已傳經內熱煩渴甘
露飲甚用白虎解毒清有表熱煩柴葛解表實大
熱三黃寧裏熱尿赤涼天水胃實不便大柴承

註服雙解散汗下已通而仍不解者皆因汗之

不徹或已傳經治之不及也若表已解而裏
有微熱煩渴者用桂苓甘露飲以和太陽之
裏若內熱太甚大熱大煩大渴者用白虎湯

合黃連解毒湯以清陽明之裏若表未解又
傳陽明身熱而煩用柴葛解肌湯以解兩陽
之邪若表實無汗大熱而煩用三黃石膏湯
以清表裏之熱若裏有熱尿赤而澀者用涼
膈散合天水散以清利之若胃實潮熱不大
便有微表者用大柴胡湯下之無表者三承
氣湯下之桂苓甘露飲白虎湯大柴胡湯三
承氣湯已詳傷寒要訣六一散涼膈散詳在
雜病要訣

防風通聖散

防風通聖治風熱鬱在三焦表裏中氣血不宜經
絡壅滯翹芩薄荷歸芎消心黃芍木膏滑石麻黃桔
梗共防荆利減消黃嘔薑薑半白汗麻去桂枝增

註

此方治一切風火之邪鬱於三焦表裏經絡
氣血不得宣通初感發熱頭痛膚疹傳經斑
黃抽搐煩渴不眠便秘尿澀皆可服之功效
甚奇用之自知其妙也

柴葛解肌湯

四時合病在三陽柴葛解肌柴葛羌白芷桔苓膏
芍草利減石膏嘔半薑

註

此方陶華所製以代葛根湯凡四時太陽陽
明少陽合病輕證均宜以此湯增減治之增
減者謂如無太陽證者減羌活無少陽證者
減柴胡也卽柴胡葛根羌活白芷桔梗赤芍
石膏黃芩甘草也下利減石膏以避裏虛也
嘔加半夏生薑以降裏逆也中氣血不宜
黃連解毒湯

枳子金花湯

三黃石膏湯

陽毒熱極疹斑嘔煩渴呻吟譫語狂下後便軟熱
不已連芩梔蘗解毒湯裏實便鞭當攻下梔子金
花加大黃表實膏麻葱豆豉下利除膏入葛良

註

陽毒熱極等證或下後便軟壯熱不已宜黃
連解毒湯卽黃連黃芩黃蘗梔子也若裏實
便鞭當攻下者宜加大黃名梔子金花湯若
表實無汗當發汗者宜加石膏麻黃淡豆豉

葱白名三黃石膏湯下利者減石膏加葛根
避裏不實也

消毒犀角飲

消毒犀角表疹斑毒壅咽喉腫痛難犀角牛蒡荆
防草熱盛加薄荷連

註消毒犀角飲即消毒飲之防風荆芥牛蒡子

甘草加犀角也熱盛加連翹薄荷黃芩黃連
也

消斑青黛飲

治斑青黛消斑毒參虎柴犀梔地二元黃連熱實汁
參去苦酒加入大黃煎

註消斑青黛飲即青黛參虎謂人參白虎湯即

人參石膏知母甘草柴胡犀角山梔生地元
參黃連用苦酒與水煎也熱甚便實者減去
人參加大黃可也

普濟消毒飲

普濟大頭天行病無裏邪熱客高巔芥連薄荷柴
升桔蠶草陳勃勞藍元

註

普濟消毒飲治天行傳染大頭瘟疫無裏可下者是其邪熱客於高巔即黃芩黃連薄荷連翹柴胡升麻桔梗僵蠶甘草陳皮馬勃牛蒡子板藍根元參也

連翹敗毒散

連翹敗毒散發頤高腫焮紅痛可除花粉連翹柴胡芎藭荆防升草桔羌獨紅花蘇木芎歸尾腫面還加芷漏蘆腫堅皂刺穿山甲便燥應添大黃疏

註 連翹敗毒散治時毒發頤高腫焮紅疼痛之

陽證也即連翹天花粉柴胡牛蒡子荆芥防風升麻甘草桔梗羌活獨活紅花蘇木川芎歸尾兩頤連面皆腫加白芷漏蘆腫堅不消加皂刺穿山甲大便燥結加酒炒大黃

都氣湯

橘皮竹茹湯

呃逆腎虛都氣湯六味肉桂五味方橘皮竹茹虛熱主橘竹參草棗生薑

註 都氣湯即六味地黃湯加肉桂五味子也橘

皮竹茹湯即橘紅竹茹人參甘草大棗生薑也

葳蕤湯

風溫浮盛葳蕤湯羌麻葛芷青木香芎草石膏葳蕤杏裏實熱甚入消黃

註風溫初起六脈浮盛表實壯熱汗少者宜葳蕤湯以發表風邪也即羌活麻黃葛根白芷

青木香川芎甘草石膏葳蕤杏仁也裏實熱甚多汗者加芒消大黃以攻裏熱也

桂枝白虎湯

風溫虛熱汗出多難任葳蕤可奈何須是齁睡而燥渴方宜桂枝虎參合

註風溫初起脈浮有力汗少壯熱宜與葳蕤湯若脈虛身熱汗多難用葳蕤湯者合與桂枝

白虎加人參湯如不齁睡口中和而不燥不渴身熱汗多脈浮盛者乃亡陽之證非風溫也即桂枝白虎加人參湯亦不可用也

瀉心導赤各半湯

越經無證如醉熱脈和導赤各半湯芩連梔子神參麥知滑犀草棗燈薑

註

越經病名也無證謂無表裏證也無表裏證脈和而身熱不解形如醉人者是越經證也宜瀉心導赤各半湯治之即黃連黃芩梔子茯苓神人參麥冬知母滑石犀角甘草燈心生薑大棗也

大羌活湯

兩感傷寒病二經大羌活湯草川芎二防二朮二

活細生地芩連知母同

註

兩感傷寒病名也二經謂一曰太陽少陰二曰陽明太陰三曰少陽厥陰同病也張潔古製大羌活湯治之即甘草川芎防風防己蒼朮白朮羌活獨活細辛生地黃芩黃連知母也詳在傷寒要訣

還陽散

退陰散

黑奴丸

陰毒還陽硫黃末退陰炮烏乾薑均陽毒黑奴小
麥疸芩麻消黃金龜塵

註

還陽散卽石硫黃末每服二錢新汲水調下
良久寒熱汗不出再服之汗出愈退陰散卽
炮變色川烏微炒乾薑等分爲末每服一錢
鹽湯滾數沸服四肢不溫連服三次卽溫熱
服若吐冷服亦可黑奴丸卽小麥成黑疸者
名曰小麥奴黃芩麻黃芒消大黃金底煤竈
突烟梁上塵也爲末蜜丸重四錢新汲水下
服後若渴欲飲冷水者令恣意飲之須臾自
當寒振汗出腹響微利而解也若不渴者恐
是陰極似陽服之反爲害耳

九味羌活湯

九味羌活卽中和四時不正氣爲痾潔古製此代
麻桂羌防蒼細芷芎合生地草芩喘加杏無汗加
麻有桂多胸滿去地加枳桔煩渴知膏熱自瘥

註

此湯卽中和湯張潔古製此以代麻黃桂枝
一二湯卽羌活防風蒼朮細辛白芷川芎生地

甘草黃芩也喘加杏仁無汗加麻黃有汗加桂枝胸膈滿悶去生地加枳殼桔梗快膈氣也煩渴引飲加知母石膏熱自瘥也

十神湯

十神外感寒氣病功在溫經利氣殊升葛芎麻甘草芍薑葱香附芷陳蘇

註

此湯即升麻葛根川芎麻黃甘草芍藥香附白芷陳皮蘇葉生薑葱白也能外發寒邪內舒鬱氣故曰寒氣病較之他劑有溫經利氣之功殊也

人參敗毒散

荆防敗毒散

倉廩散

人參敗毒虛感冒發散時毒疹痢良參苓枳桔芎草共柴前薄荷與獨羌時毒減參加翹芎血風時疹入荆防表熱噤痢加倉米溫熱苓連實消黃

註

人參敗毒散治氣虛感冒時氣之病即枳殼桔梗川芎茯苓人參甘草柴胡前胡薄荷獨

活羌活也時毒謂受四時不正之氣或腫兩
腮兩頤或咽喉腫痛依本方減人參加牛蒡
連翹治之時疹謂初病卽有之疹血風謂遍
身騷癢之疹俱依本方減人參加荆芥防風
治之名荆防敗毒散表熱無汗噤口痢疾依
本方加倉米治之名倉廩散溫病熱病熱甚
俱加黃連黃芩胃實便鞭俱加芒消大黃也
五積散

內傷生冷外感寒五積平胃半苓攢麻桂枳桔歸

芎芍薑芷加附逐陰寒腹痛嘔逆吳萸入有汗除
麻桂枝添虛加參朮除枳桔婦人經痛艾醋煎

註

五積散卽蒼朮陳皮厚朴甘草半夏茯苓麻
黃官桂枳殼桔梗當歸川芎白芍乾薑白芷
也表重用桂枝裏重用官桂陰寒肢冷加附
子腹痛嘔逆加吳茱萸有汗除去麻黃加桂
枝氣虛加人參白朮除去枳桔婦人經痛加
艾葉醋煎服之

升麻葛根湯

升葛芍草表陽明下利斑疹兩收功麻黃太陽無汗入柴苓同病少陽經

註

升麻葛根白芍甘草即升麻葛根湯也陽明表邪不解或數下利及斑疹不透者均宜主之若兼太陽無汗之表證入麻黃若兼少陽口苦耳聾寒熱往來半表裏之證加柴胡黃芩也

二聖救苦丹

初起時疫溫熱病救苦汗吐下俱全熱實百發而

百中大黃皂角水為丸

註

此丹即大黃四兩皂角二兩為末水為丸也每服三錢無根水下弱者老者幼者量減服之此藥施治於初起時疫傳染傷寒溫病熱病熱盛形氣俱實者百發百中服後或汗或吐或下三法俱全其病立解

溫膽湯

傷寒病後液津乾虛煩嘔渴不成眠乃是竹葉石膏證膽經飲熱此方先口苦嘔涎煩驚悸半苓橘

草枳竹煎氣虛加參渴去半再加麥粉熱茶連

註

傷寒病後燥渴虛煩乃竹葉石膏湯證非溫

膽湯證詳在傷寒要訣若少陽膽經飲熱則

口苦嘔煩驚悸是溫膽湯證也即半夏茯苓

橘皮甘草枳實竹茹也形氣俱虛或因汗吐

下後及氣虛者均加人參渴去半夏加麥冬

花粉以生津也有熱加黃芩黃連以清熱也

御纂醫宗金鑑卷三十九

編輯雜病心法要訣目錄

真中風

類中風

傷風

瘧病

瘕證

痿證

脚氣

中風

中風

御纂醫宗金鑑卷之三十九

編輯雜病心法要訣

中風總括

風從外中傷肢體痰火內發病心官體傷不仁與不用心病神昏不語言當分中絡經府藏更審虛實寒熱痰脫證撒手為脾絕開口眼合是心肝遺尿腎絕鼾聲肺閉證握固緊牙關初以通關先取噫痰壅不下吐為先

註 風謂虛邪賊風從外而中傷人四肢軀體故

名曰中風痰火謂痰火從內而發病人心主之官故名曰痰火體中風邪輕則頑麻不仁重則癱瘓不用心病痰火輕則舌強難語重則痰壅神昏此證或內或外單病輕兼病重當細辨其中絡中經中府中藏及中經絡兼中府藏併細審其兼虛兼實兼寒兼熱兼痰與夫脫證閉證之淺深緩急而治之凡初中宜先用通關散取嚏有嚏可治無嚏多死口噤者用開關散擦牙軟之痰涎壅盛用諸吐

法涌之若口噤不開湯藥不能下咽者則將應服之藥隨引調如麪茶含在不病人口內用葦管或筆管插入病人鼻孔使氣連藥吹之其藥自能入咽不可用金器擗之恐傷齒也

按

中風一證分中血脈中府中藏始自李東垣中血脈者大秦芄湯中府者小續命湯中藏者三化湯然從未見有三化湯中藏之證惟金匱書中分爲四證曰絡曰經曰府曰藏其

說最爲的當可爲後世法蓋口眼喎斜肌膚不仁邪在絡也左右不遂筋骨不用邪在經也昏不識人便溺阻隔邪在府也神昏不語脣緩涎出邪在藏也學者細閱諸家之論自知不謬云爾

中風死候

寸口脈平卒中死生氣獨絕暴脫之五藏幾息呼吸泯譬如墮溺豈能期脈來一息七八至不大不小尚能醫大小浮晝沉夜死脈絕不至死何疑脫

證並見皆死候搖頭上竄氣長噓喘汗如油痰拽鋸肉脫筋痛髮枯直

註

寸口脈平謂寸關尺脈候平之人忽然卒中而死者皆因中邪太甚閉塞九竅天真之氣不能與人之生氣相通則獨絕於內也譬如墮跌溺水豈能預期其死耶脈來一息七八至者不大不小雖困可治若大而無倫小而如纖浮主晝死沉主夜死不可治也五藏脫證若三藏四藏並見及搖頭上竄等證皆死

候也

通關散

開關散

熏鼻法

解語法

通關星皂細荷半開關烏梅冰片南巴油紙皂烟

熏鼻龜尿舌下點難言

註

通關散南星皂角細辛薄荷生半夏為末吹

鼻有嚏可治開關散烏梅肉冰片生南星為

末擦牙其噤可開巴豆油紙捲皂角末燒烟

熏入鼻內人事自省取龜尿點在舌下言語

自易

三聖散

瓜蒂散

全蠍散

五元散

巴礬丸

無汗吐宜防藜蒂有汗瓜蒂入蠍全重劑藜豆礬

皂膽痰壅吐以巴礬丸

註

痰涎壅盛無汗表實用三聖散即防風藜蘆

瓜蒂吐之有汗裏實用瓜蒂散即瓜蒂赤小

豆或用全蠍散即瓜蒂散加全蠍吐之此皆

吐之輕劑也甚則用五元散乃藜蘆赤小豆

白礬皂角膽礬巴礬丸即巴豆枯白礬吐之

烏藥順氣散

烏藥順氣實中絡喎斜頑麻風注疼麻黃枳桔烏

蠶共白芷乾薑陳草芎

註

實中絡謂風邪中絡之人形氣實者也喎斜

口眼歪斜也頑麻肌膚麻木也風注疼風氣

攻注骨節疼也是方麻黃枳殼桔梗烏藥蠶

白芷陳皮乾薑甘草川芎也

大秦芎湯

大秦芎湯虛中絡喎斜偏廢減參珍秦芎生地石

膏共羌獨防芷細辛芩

註

虛中絡謂風邪中絡之人形氣虛者也偏廢

謂半身不遂也減參珍謂八珍湯減去人參

加入秦艽生地石膏羌活獨活白芷防風細辛黃芩也偏廢是中經之證而亦可治之者以此方能養血榮筋為久病風人調理之劑

換骨丹

中經氣實宜換骨噉斜癱瘋芷芎防冰麝香槐苦味仙人麻首蔓蒼桑

註

中經氣實謂風邪中經之人形氣實也癱左不用也癱右不用也換骨丹白芷川芎防風冰片麝香硃砂木香槐角苦參五味子威靈

仙人參麻黃膏何首烏蔓荆子蒼朮桑皮也

麻黃膏者以麻黃熬成膏和煎藥為丸硃砂

滾衣也

小續命湯

小續命湯虛經絡八風五痺總能全麻杏桂芍通營衛參草歸芎氣血宣風淫防風濕淫已黃芩熟淫附子寒春夏石膏知母入秋冬桂附倍加添

註

虛經絡謂風邪中經中絡之人形氣虛也八風謂八方之邪風中人為病也五痺詳見痺

門要訣中

黃耆五物湯

黃耆五物虛經絡偏廢虛風無力癱心清語蹇因
舌軟舌強神濁是火痰補衛黃耆起不用益營芍
桂棗薑煎左加當歸下牛膝筋瓜骨虎附經漆

註

黃耆五物湯治因虛召風中人經絡而病半
身不遂者然審其人若舌強難言神氣不清
則是痰火爲病不宜此方若心清語蹇舌軟
無力難言者乃是營衛不足之病宜用此方

經曰衛虛則不用營虛則不仁此方君黃耆
而補衛以起不用臣桂枝白芍而益營以治
不仁佐生薑大棗以和營衛也不仁不用在
右者屬氣宜倍加黃耆在左者屬血則加當
歸在下兩腿兩膝軟者則加牛膝骨軟不能
久立者則加虎骨筋軟難於屈伸者則加木
瓜周身或左或右經絡不宣通者則加炮附
子有寒者亦加之此方屢試屢効者其功力
專於補外所以不用人參補內甘草補中也

三化湯

搜風順氣丸

三化氣實風中府昏冒閉滿小承羌形氣俱虛及風燥搜風順氣自然康

註

氣實風中府謂風邪中府之人形氣實也昏冒謂神昏不知人也閉滿謂二便阻隔腹滿脹也小承羌謂小承氣湯厚朴枳實大黃加羌活卽三化湯也若其人形氣俱虛則當以搜風順氣丸緩緩治之自然康也久病風之

人大便多結燥謂之風燥或用續命湯汗過三化湯下過津液枯乾以致結燥凡病不論中經絡藏府但有二便阻隔形氣不足難堪攻下者均宜此法以搜六府之風通腸胃中之氣二便自利矣

牛黃清心丸

牛黃清心實中藏痰壅神昏不語言口眼喎斜形氣盛兩手握固緊牙關

註

牛黃清心丸治風邪中藏之人形氣俱實其

證痰涎壅塞神昏不能言語口眼喎斜形氣
滿盛兩手握固牙關緊急之閉證皆可服之

參附湯

參附湯治虛中藏脣緩涎出不語言昏不知人身
偏廢五脫證見倍參煎

註

參附湯即人參附子也治風邪中藏之人形
氣俱虛其證脣緩不收痰涎流出神昏不語
身肢偏廢或與五藏脫證並見宜大倍人參
先固虛脫次治風邪可也

千金還魂湯

經絡閉證卒中惡氣促神昏不識人無汗拘急身
偏痛肉桂麻草杏還魂

註

經絡閉證謂風邪中經絡之閉證也氣促謂
氣粗盛也無汗四肢拘急身體偏痛乃表邪
固閉宜用肉桂麻黃甘草杏仁即還魂湯以
開之

奪命散

藏府閉證腹滿閉昏噤痰結在喉間危急湯藥不

能下奪命巴芷半葶南

註

藏府閉證謂風邪中藏府之閉證也腹滿閉
謂腹滿二便閉也兼之神昏口噤不開結痰
喉間不下宜用是方吐下之巴豆白芷半夏
葶藶生南星也

三生飲

三生飲治中風寒厥逆沉伏涌氣痰星香烏附俱
生用氣虛加參脫倍添

註

中風寒謂不論經絡藏府風邪中藏寒之人

也厥逆謂四肢冷也沉伏謂六脈沉伏也是
方生南星生川烏生附子本香也惟寒盛氣
實者宜之若氣虛者加人參虛極將脫者大
倍人參始可用之而無倒戈之害也

祛風至寶湯

祛風至寶中風熱浮數面赤熱而煩通聖加蠍天
麻細白附羌獨連藁蠶

註

中風熱謂不論經絡藏府風邪中府熱之人
也浮數謂六脈浮數也熱而煩謂身熱心煩

也通聖謂防風通聖散方中加全蠍天麻細辛白附羌活獨活黃蘗黃連殭蠶也防風通聖散詳在傷寒門

青州白丸子

青州白丸中風痰喎斜癱瘓湧痰涎小兒驚痰為妙藥白附烏星半夏丸

註中風痰謂不論經絡藏府風邪中表有痰飲之人也湧痰涎謂痰涎湧盛也是方生白附子生川烏生南星生半夏法製為丸也

羌活愈風湯

羌活愈風治外中手足無力語出難肌肉微掣不仁用大秦芫湯參再添官桂黃耆杜防已知枳柴荷蔓菊前蒼麻半朴杞地骨調理諸風症可安

註治外中謂風從外中之病也此病之來必有先兆如手足無力語言蹇澁時有肌肉微動牽掣大指次指麻大不用皆風邪外中之先兆也宜用此湯大秦芫湯參再添謂大秦芫湯方中再添人參官桂黃耆杜仲防已知母

枳殼柴胡薄荷蔓荊子菊花前胡蒼朮麻黃
半夏厚朴枸杞地骨皮也調理諸風更不堪
謂凡中風內邪將除外邪漸盡更服此藥調
理以行導諸經久則大風悉去清濁自分榮
衛自和矣

清熱化痰湯

清熱化痰治內發神短忽忽語失常頭眩脚軟六
君麥冬連菖枳竹星香

註

治內發謂痰火內發之病也此病之來必有

先兆如神短忽忽言語失常上盛下虛頭眩
脚軟皆痰火內發之先兆也宜用此湯即人
參白朮茯苓甘草橘紅半夏麥冬黃芩黃連
石菖蒲枳實竹茹南星木香也

地黃飲子

四肢不收無痛痺偏枯身偏不用疼其言不變志
不亂邪在分腠五物能甚不能言為瘖痺奪厥入
藏病多凶地黃桂附蓉巴遠萸斛冬味薄菖苓

註

風痺偏枯瘖痺三病皆屬外中而有微甚

深之別也風痲謂四肢不收身無痛處偏枯
 謂半身不遂身有痛處其言不變志不亂乃
 邪微淺病在分腠榮衛之間以黃耆五物湯
 能補榮衛而散風邪也甚者不能言志亂神
 昏則為瘖瘵乃腎虛內奪少陰不至而厥其
 邪已入於藏故曰病多凶也地黃飲子是治
 腎虛內奪之方是方熟地肉桂附子肉蓯蓉
 巴戟遠志山萸石斛麥冬五味子薄薺石菖
 蒲茯苓也

類中風總括

類中類乎中風證尸厥中虛氣食寒火濕暑惡皆
 昏厥辨在喎斜偏廢間

註類中風證皆名尸厥謂形厥而氣不厥也故

口鼻無氣狀類死尸而脈自動也中虛中氣
 中食中寒中火中濕中暑中惡等證雖忽然
 昏倒人事不省類乎真中風病但不見口眼
 喎斜偏廢不仁不用等證自可辨也

獨參湯

參附湯

星香湯

三物備急丹

奪命散

尸厥無氣而脈動或脈微細有無間緣於病後氣血竭人參參附星香痰氣閉腹滿二便閉或腹急痛備急丹服後轉鳴吐下驗喉間痰結奪命先

註

尸厥之證有虛有實虛者以獨參湯虛兼寒者以參附湯虛兼痰者以星香飲加人參湯

滌痰湯百氣閉似死脈動有力腹滿脹二便閉

滌痰內發迷心竅舌強難言參蒲星溫膽熱盛芩連入神昏便閉滾痰攻

註內發謂痰火內發迷人心竅令人精神恍惚

舌強難言也滌痰湯即人參菖蒲南星合溫補山膽湯也溫膽湯橘紅半夏茯苓甘草竹茹枳

實也熱盛加黃芩黃連大小二便閉用礞石滾痰丸攻之可也

氣虛之人煩勞過度清氣不升忽然昏冒也

參附湯

原宗金鑑

卷三十九

編輯雜病心法要訣

三

此湯治虛寒者以星香飲加入參湯
 實者氣閉似死脈動有力腹滿脹二便閉或
 腹急痛氣閉前後不通者以備急丹實兼痰
 者以奪命散
 補中益氣湯
 生脈補精湯
 補中益氣療虛中煩勞過度氣不升虛冒有痰加
 苓半慾冒生麥地歸茸
 註
 補中益氣湯治虛中之證即李杲所云內傷
 氣虛之人煩勞過度清氣不升忽然昏冒也

從醫宗金鑑 卷三十一
慾冒謂因房勞過度昏冒也生脈飲即人參
麥冬五味子合熟地當歸鹿茸名曰生脈補
精也

木香調氣飲

木香調氣實氣中暴怒氣逆噤昏痰風浮肢溫氣
沉冷木藿砂蔻草丁香

註 實氣中謂形氣俱實之人中氣也因暴怒氣

逆忽然昏倒噤急也風浮肢溫氣沉冷謂中
風之人脈浮手足溫中氣之人脈沉手足冷

可別也是方木香藿香砂仁白蔻甘草丁香

檀香也

八味順氣散

八味順氣虛氣中標本兼施邪正安參苓朮草扶
元氣烏芷青陳利氣痰

註 虛氣中謂形氣俱虛之人中氣也宜用此標

本兼施邪正相安之劑也

瓜蒂散

薑鹽湯

食中過飽感寒風或因怒惱塞胸中忽然昏厥肢
不舉瓜蒂薑鹽探吐平

註

瓜蒂散挾痰者用之薑湯挾寒者用之鹽湯
過食者用之探吐謂作此湯數鍾令病者飲
一鍾隨用指探吐不吐再飲再探以吐通快
爲度可立愈也

附子理中湯

附子理中療寒中腹痛拘急噤牙關有汗身寒或
吐瀉附子參朮草薑乾無汗身寒加麻細陰毒川

烏用生煎嘔吐丁香吳萸入脈微欲絕倍參漆

註

寒中之證卽腹痛諸證者是也宜用附子理
中湯若無汗加麻黃細辛陰毒加生川烏嘔
吐加丁香吳茱萸脈微欲絕倍加人參陰毒
寒極也詳在傷寒心法

涼膈散

涼膈火中神昏冒桅翹芩薄荷草消黃兼治一切胸
膈熱便燥譫妄與斑狂

註

火中之證卽劉完素所云七情過極五志之

火內發則令人昏倒無知筋骨不用也

香薷飲

藿香正氣散

辰砂益元散

熨臍法

蒼朮白虎湯

人參白虎湯

暑中須分陰與陽陰邪無汗似寒傷壯熱心煩或嘔瀉香薷扁朴二香湯更兼昏憤蒸蒸汗面垢喘

渴證為陽不省熨臍灌蒜水益元蒼參白虎湯

註

陰邪無汗似寒傷謂暑中陰邪似傷寒頭痛

身痛惡寒無汗而更壯熱心煩或嘔或瀉也

得之於受暑納涼寒外暑內宜香薷飲二香

湯謂香薷飲合藿香正氣飲詳在霍亂門若

有如上之證更兼精神昏憤蒸蒸白汗面垢

喘渴則為暑中陽邪得之於赤日長途中外

皆熱初中昏憤不省者急以熱物熨臍蒜汁

合水灌之即省繼以辰砂益元散氣實者蒼

術白虎湯氣虛者人參白虎湯選而用之可也

滲濕湯

滲濕濕中內昏冒震亨濕熱熱生痰厚味醇酒生冷水胃苓香附撫砂連

註

濕中內謂濕從內生之病即朱震亨所云濕熱生痰昏冒之證得之於傷厚味醇酒生冷水物過節也滲濕湯即胃苓湯加香附撫芎砂仁黃連

除濕湯

除濕陰雨濕蒸霧臥濕涉水瘴山嵐頭身重痛便溏腫羌藁升柴防水煎

註

除濕湯即羌活藁本升麻柴胡防風蒼朮治濕因外中得之於天陰淫雨晴後濕蒸早晨霧露及久臥濕地遠行涉水瘴氣山嵐其證頭身重痛甚而昏冒大便溏瀉皮膚浮腫也

調氣平胃散

調氣平胃瘵惡中廟塚忤惡卒然昏面黑錯忘蘇

合主次以木香平胃勻

註

蘇合主謂中惡之病以蘇合香丸為主也次以木香平胃勻謂以中氣木香調氣散之方合平胃散之藥調理也

傷風總括

傷風屬肺咳聲重鼻塞噴嚏涕流清鼻淵腦熱不噴嚏濁涕穢久必鼻紅

註

傷風屬肺故噴嚏也鼻淵屬腦故不噴嚏也傷風寒邪故涕清也鼻淵熱邪故涕濁也鼻淵病人或有穢氣則熱深故腦衄鼻血也

川芎茶調散

參蘇飲治虛傷風實者茶調及頭疼芎芷薄荷羌茶細荆防痰半熱膏清

註

參蘇飲方在咳嗽門治氣虛之人傷風之病
若氣實者用川芎茶調散即川芎白芷薄荷
甘草羌活茶葉細辛荊芥防風傷風頭痛者
亦可用也有痰者加半夏清痰有熱者加石
膏清熱可也

蒼耳散

蒼耳散治鼻淵病風熱入腦瞑頭疼涕流不止鼻
塞熱蒼耳辛夷芷薄荷

註

鼻淵病屬風熱入腦故目瞑而頭疼涕流

止較之傷風為甚焉鼻塞氣不利也熱鼻孔
中熱也甚者孔熱而痛及其腦也蒼耳散即
蒼耳子炒去刺研破一兩加辛夷三錢白芷
薄荷各一錢葱三莖也

黃連防風通聖散

鼻淵初病施蒼耳黃連防風久病方孔痛膽調水
研散鼻血犀角地黃湯

註

鼻淵風熱傷腦之病初病則風邪盛故用蒼
耳散以散為主久病則熱鬱深故用防風通

聖散加黃連以清為主也熱氣湧涕傷其鼻
 孔成瘡故痛也宜以豬膽汁調冰硼散敷之
 熱蘊於腦傷及所過營血故衄也宜以犀角
 地黃湯涼之可也

瘧病總括

瘧病項強背反張有汗為柔無汗剛生產血多過
 汗後潰瘡犬咬破風傷

註

瘧病之證詳在傷寒心法有汗為柔瘧無汗
 為剛瘧產後去血過多傷寒發汗過多則為
 內因潰瘍破傷狗咬則為外因皆風邪乘虛
 入太陽經而成此病也

瘧病死證

瘧證脈散多應死反張離席一掌亡眼小目瞪昏

不語額汗如珠命必傷

註

反張離席一掌謂離席四五指許也眼小謂目眇緊小也目瞪謂眼珠不轉也

葛根湯

桂枝加葛根湯

小續命湯

桂枝加附子湯

當歸補血湯

大承氣湯

桃仁承氣湯

剛瘧葛根湯發汗柔瘧桂枝加葛良若兼雜因小續命過汗桂枝加附湯傷血桂枝合補血裏實瘧血承氣方潰瘍十全加風藥破傷狗咬另參詳

註

剛瘧用葛根湯即桂枝湯加麻黃葛根柔瘧用桂枝加葛根湯即桂枝湯加葛根汗之雜因謂風寒濕雜揉為病用小續命湯隨風寒濕輕重治之過汗表虛汗出不止因而成瘧用桂枝加附子湯即桂枝湯加附子也傷血

謂產後金瘡大傷血後用桂枝湯合補血湯
卽當歸黃耆也裏實謂痙病腹滿二便閉以
大承氣湯及產後惡露不盡少腹鞭急以桃
仁承氣湯下之潰瘍去膿血過多爲風所襲
者用十全大補湯加祛風之藥治之

破傷風

破傷亡血筋失養微傷風入火之端燥起白痲瘡
不腫濕流污水緊牙關

註破傷去血過多筋失所養經絡空虛風邪乘

之爲病卽經曰風邪乘虛而入也爲風虛邪
宜桂枝湯合當歸補血湯治之夫傷重出血
過多而病風者常也然時有微傷淺損去血
甚少風邪乘之而病者以其人素熱因風而
然卽劉完素曰熱甚風搏併於經絡也爲風
火邪宜防風通聖散加蠍尾治之凡此證不
論虛實風毒內蘊不發於外瘡口周圍燥起
白痲瘡不甚腫濕流污水牙關微緊不
似尋常活動皆破傷風之先兆也

防風通聖散加蠍尾方

全蠍散

左龍丸

斑蝥大黃方

火盛通聖加蠍尾風盛全蠍左龍丸外因燒酒火
罐法火風斑大酒同煎

註

破傷火盛者多陽明證用防風通聖散加蠍
尾治之風盛者多太陽證用全蠍散即生蠍
尾七枚研末熱酒服之服後不解漸深入裏

用左龍丸即野鴿糞江鰾僵蠶雄黃蜈蚣

麻珠砂巴豆霜為丸也方詳在丹溪心法諸

破傷風門內皆宜外用砂燒酒壺兩箇盛多

半壺燒酒先以一壺上火令滾無聲傾酒即

按在破傷瘡口拔出汚黑血水滿則自落再

以次壺仍按瘡口輪流提拔以盡為度其風

立愈犬咬風毒入腹成瘕風者用斑蝥七枚

以糯米拌炒米黃去米為末生大黃末一錢

合均黃酒一盞煎至半盞空心溫服取下毒

物弱者減半服之可也

[Faint bleed-through text from the reverse side of the page]

痺病總括

三痺之因風寒濕五痺筋骨脈肌皮風勝行痺寒
痺痛濕勝着痺重難支皮麻肌木脈色變筋攣骨
重遇邪時復感於邪入藏府周同脈痺不相移

註

三痺之因風寒濕三氣雜合而為病也其風
邪勝者其痛流走故曰行痺寒邪勝者其痛
甚苦故曰痛痺濕邪勝者其痛重着故曰着
痺此為病之因而得名曰三痺也又有曰五
痺者謂皮脈肌筋骨之痺也以秋時遇此邪

為皮痺則皮雖麻尚微覺痛癢也以夏時遇此邪為脈痺則脈中血不流行而色變也以長夏時遇此邪為肌痺則肌頑木不知痛癢也以春時遇此邪為筋痺則筋攣節痛屈而不伸也以冬時遇此邪為骨痺則骨重痠疼不能舉也曰入藏府者謂內舍五藏之痺也

以皮痺不已復感於邪內舍於肺成肺痺也

三氣脈痺不已復感於邪內舍於心成心痺也肌

痺不已復感於邪內舍於脾成脾痺也筋痺

不已復感於邪內舍於肝成肝痺也骨痺不

已復感於邪內舍於腎成腎痺也此皆以病

遇邪之時及受病之處而得名曰五痺也所

謂邪者重感於風寒濕之氣也周痺亦在血

脈之中隨脈上下為病故同脈痺但患有定

處不似脈痺左右相移也近世曰痛風曰流

火曰歷節風皆行痺之俗名也

周痺

周痺患定無歇止左右不移上下行似風偏廢隻

足手口眼無斜有痛疼

註

周痺或痛或腫或手或足患有定處痛無歇止或從上病及於下或從下病及於上而不似衆痺痛有歇止左右相移流走也周痺或兩手或兩足或隻手足或偏廢不仁不用而似中風但不口眼喎斜身有痛疼也

痺病生死證

痺在筋骨痛難已留連皮脈易爲功痺久入藏中虛死藏實不受復還生

註

痺在筋骨則受邪深故痛久難已痺在皮脈則受邪淺故易治也凡痺病日久內傳所合之藏則爲五藏之痺若其人中虛受邪則難治多死其人藏實而不受邪復還於外則易治多生假如久病皮痺復感於邪當內傳肺而爲肺痺若無胸滿而煩喘咳之證則是藏實不受邪餘藏倣此

痺入藏府證

肺痺煩滿喘咳嗽腎脹尻踵脊代頭脾嘔痞鞞肢

懈憊心煩悸噫恐時休數飲臥驚肝太息飲秘脹瀉在腸究胞秘沃痛鼻清涕三焦胃附膽無憂

註

久病皮痺復感於邪見胸滿而煩喘咳之證是邪內傳於肺則為肺痺也久病骨痺復感於邪而見腹脹尻以代踵足攣不伸脊以代頭偃僂不直之證是邪內傳於腎則為腎痺也久病肌痺復感於邪而見嘔涎心下痞鞭四肢懈憊之證是邪內傳於脾則為脾痺也久病脈痺復感於邪而見心煩心悸噤乾噫

氣有時則恐之證是邪內傳於心則為心痺也久病筋痺復感於邪而見喜飲小便數多夜臥則驚太息之證是邪內傳於肝則為肝痺也久痺不已復感於邪藏實不受而傳府者凡見喜飲小便秘不脹則瀉不瀉則脹之證是邪內傳於大小腸則為腸痺也凡見少腹胞中按如沃湯狀而痛小便秘澁鼻流清涕之證是邪內傳於膀胱則為胞痺也三焦之痺附於膀胱從水道也胃痺附於大小二

腸從傳化也膽為清淨之府不受痺邪故曰無憂也

小續命湯

增味五痺湯

痺虛加減小續命痺實增味五痺湯麻桂紅花芷葛附虎羊耆草二防羌

註 痺虛謂氣虛之人病諸痺也宜用加減小續

命湯風勝行痺倍防風寒勝痛痺倍附子濕

勝著痺倍防已皮痺加黃耆或桂枝皮皴痺

加薑黃或加紅花麻痺加葛根或加白芷筋

痺加羚羊角或加續斷骨痺加虎骨或加狗

脊有汗減麻黃便溏減防已寒勝減黃芩加

乾薑熱勝減附子加石膏加減治之痺實謂

氣血實之人病諸痺也宜用增味五痺湯即

麻黃桂枝紅花白芷葛根附子虎骨羚羊角

黃耆甘草防風防已羌活也行痺以羌活防

風為主痛痺以麻黃附子為主著痺以防已

羌活為主皮痺以黃耆桂枝皮為主皴痺以

紅花桂枝爲主肌痺以葛根白芷爲主筋痺
以羚羊角爲主骨痺以虎骨爲主增味於五
痺治之可也

木通湯

附子五苓散

蒼朮五苓散

三痺木通長流水濕加防已風羌防寒痺附麻分
汗入胞腸五苓附子蒼

註

三痺謂行痺痛痺着痺也宜用木通一味不

見水者二兩以長流水二碗煎一碗熱服取
微汗不愈再服以愈爲度若其痛上下左右
流走相移者加羌活防風以祛風邪其痛苦
甚者有汗加附子無汗加麻黃以去寒邪其
痛重著難移者加防已以勝濕邪其所應加
之藥不可過三錢弱者俱減半服胞痺宜用
五苓散加附子腸痺宜五苓散加蒼朮以利
寒飲也五苓散方在傷寒門

三痺湯

獨活寄生湯

三痺十全無白朮牛秦續杜細獨防獨活加桑除
耆續入藏乘虛久痺方

註 三痺謂三痺湯即十全大補湯無白朮加牛

膝秦艽續斷杜仲細辛獨活防風也獨活謂

獨活寄生湯依三痺湯方加桑寄生除去黃

耆續斷也此皆治五痺不已乘虛入藏反留

連日久調理痺病之方也

黃耆益氣湯

黃耆益氣虛皮痺皮麻不知癢與疼補中益氣加

紅藥味秋苧夏桂加冬

註 氣實麻木用小續命湯加麻黃治之氣虛麻

木用黃耆益氣湯即補中益氣湯加紅花黃

藥也秋加五味子夏加黃芩冬加桂枝皮

蠲痺湯

加味升陽散火湯

蠲痺冷痺身寒厥附歸耆草桂羌防肌熱如火名

熱痺羚羊升陽散火湯

御纂醫宗金鑑 卷三十九 痿痺
註 獨痺湯卽附子當歸黃耆炙草官桂羌活防
風治痺病而身寒無熱四肢厥冷名曰冷痺
也加味升陽散火湯卽內傷門升陽散火湯
加羚羊犀角治痺病而肌熱如火名曰熱
痺也

痿病總括

五痿皆因肺熱生陽明無病不能成肺熱葉焦皮
毛痺發爲痿躄不能行心熱脈痿脛節縱腎骨腰
脊不能興肝筋拘攣失所養脾肉不仁燥渴頻

註

五痿心肝脾肺腎之痿也痿屬燥病故皆因
肺熱而生也陽明者五藏六府之海主潤宗
筋陽明無病則宗筋潤能束骨而利機關雖
有肺熱不能成痿也肺熱葉焦陽明虛弱津
液不化筋骨失養皮毛痺痿發爲痿躄不能

行也因而心氣熱爲衄痿則脛節縱而不任
地肺兼心病也因而腎氣熱爲骨痿則腰脊
不能興舉肺兼腎病也因而肝氣熱爲筋痿
則筋失所養拘攣不伸肺兼肝病也因而脾
氣熱爲肉痿則胃燥而渴肌肉不仁肺兼脾
病也

痿痺辨似

痿病足兮痺病身仍在不疼痛裏分但觀治痿無
風藥始曉虛實別有因

註 痿痺之證今人多爲一病以其相類也然痿

病兩足痿軟不痛痺病通身肢節疼痛但觀
古人治痿皆不用風藥則可知痿多虛痺多
實而所因有別也

痿病治法

痿燥因何治濕熱遵經獨取治陽明陽明無故惟
病肺胃壯能食審證攻控涎小胃濕痰熱陽明積
熱法三承胃弱食少先養胃久虛按證始收功

註 痿屬燥病因何而用治濕熱苦燥之藥蓋遵

內經之治法獨取於陽明胃也故胃家無病雖有肺熱惟病肺而不病痿也是知病痿者胃家必有故也或濕熱或積熱或濕痰不論新久若胃壯能食當先審證攻之胃有濕痰用控涎丹攻之有濕熱者用小胃丹攻之有積熱者用三承氣湯攻之此治胃壯能食之法也若胃弱飲食減少氣血津液不足當先以補養脾胃為主其有久病留連諸虛燥熱或攻下之後調理當審證治之始收全功也

加味二妙湯

加味二妙濕熱痿兩足痿軟熱難當防已當歸川草薜黃蘘龜板膝秦蒼

註

熱難當謂兩足熱難當也膝秦蒼謂牛膝秦

芫蒼朮也

清燥湯

虎潛丸

十全大補湯

加味金剛丸

時合濕熱清燥効陰虛濕熱虎潛靈久虛痿軟全
金主萆瓜牛菟杜菴蓉

註
清燥湯在內傷門虎潛丸有成方全金主謂
十全大補湯加味金剛丸久病氣血虛以十
全大補湯爲主筋骨痿軟以加味金剛丸爲
主加味金剛丸卽萆薢木瓜牛膝菟絲子杜
仲肉苁蓉也

脚氣總括

脚氣風寒濕熱病往來寒熱狀傷寒腿脚痛腫熱
爲火不腫不熱是寒乾

註
脚氣乃內有濕熱外感風寒相合爲病故往
來寒熱狀類傷寒兩脚腿痛腫熱如火者是
火盛也不腫不熱而痛者是寒盛也名曰乾
脚氣

脚氣死證

脚氣脈急少腹頑不三五日入心間嘔吐喘滿目

御製醫宗全錄 卷三十一 癰疽疔毒 癰疽

脚氣脈急少腹頑木不知痛癢不過三五日

內其邪必入心間若入心間嘔吐喘滿是為

脚氣衝心之證目額皆黑恍惚譫妄則是水

來尅火之徵故曰命難全也

攢風散

羌活導滯湯

勝濕餅子

五積散

獨活寄生湯

脚氣表解攢風散麻桂杏草草烏良裏解導滯羌
獨活防己當歸枳大黃濕盛重腫勝濕餅二丑蕎
麩遂成方寒濕五積加附子寒虛獨活寄生湯

註

初病脚氣表實無汗用攢風散汗之即麻黃

桂枝杏仁甘草草薺炮川烏也裏實熱盛二

便不利用羌活導滯湯下之即羌活獨活防

己當歸枳實大黃也濕盛重腫用勝濕餅子

白丑頭末甘遂末各五錢蕎麥麩一

兩五錢水和作餅三錢煮熟空心茶清服逐之寒濕者用五積散加附子治之方在傷寒門寒虛者用獨活寄生湯補之方在痺門

當歸拈痛湯

當歸拈痛虛濕熱茵陳四苓與羌防人參當歸升芩草苦參知母葛根蒼

註

濕熱脚氣而形氣虛者宜用當歸拈痛湯即茵陳白朮茯苓豬苓澤瀉羌活防己人參當歸升麻黃芩甘草苦參知母葛根蒼朮也

加味蒼蘘散

加味蒼蘘實濕熱二活二朮生地黃知蘘芍歸牛膝草木通防己木瓜榔

註

濕熱脚氣而形質實者宜用加味蒼蘘散即羌活獨活蒼朮白朮生地黃知母黃蘘赤芍當歸牛膝甘草木通防己木瓜檳榔也

大防風湯

兩膝腫大而疼痛髀脛枯細鶴膝風大防風附羌牛杜十全大補減茯苓

註

兩膝腫大疼痛膝上至髀膝下脛足枯細但有皮骨兩膝狀若鶴膝故名鶴膝風也宜大防風湯即防風附子羌活牛膝杜仲人參白朮炙草當歸川芎白芍熟地炙耆肉桂也此病若得之於痢疾後者名曰痢風亦用此

方

防風湯
 防風 附子 羌活 牛膝 杜仲 人參 白朮 炙草 當歸 川芎 白芍 熟地 炙耆 肉桂
 痢風
 防風 附子 羌活 牛膝 杜仲 人參 白朮 炙草 當歸 川芎 白芍 熟地 炙耆 肉桂



